



**Comisiwn
y Gyfraith**
Diwygio'r gyfraith

Canllaw i Ymgeiswyr – Cyffredinol

Swydd Cynorthwydd Ymchwil 2026

Cyflwyniad

Diolch i chi am eich diddordeb mewn gweithio fel cynorthwyydd ymchwil i Gomisiwn y Gyfraith. Mae'r canllaw hwn yn cynnwys gwybodaeth hanfodol am y swydd a sut i wneud cais amdani.

Darllenwch yn ofalus. Os na fyddwch yn dilyn y canllawiau, gallwch roi eich cais o dan anfantais neu achosi iddo fethu.

Mae ymgyrch recriwtio ar wahân ar gyfer pob un o'n pedwar tîm cyfreithiol. Gwnewch yn siŵr eich bod yn cyflwyno eich cais i'r tîm cywir. Gwnewch **gaïs am un tîm yn unig** gan nad yw'n arfer gennym ystyried mwy nag un cais.

Mae Comisiwn y Gyfraith yn croesawu ceisiadau gan bob rhan o'r gymuned ac rydym wedi ymrwymo i gyfle cyfartal yn ein holl arferion, polisïau a gweithdrefnau cyflogaeth. Mae hyn yn golygu bod pob ymgeisydd a gweithiwr yn cael ei drin yn deg, heb ystyried tarddiad ethnig, hil, rhywedd, statws priodasol, rhyw, cyfeiriadedd rhywiol, crefydd, oedran nac anabledd.

Law Commission
1st Floor, Tower
52 Queen Anne's Gate
London
SW1H 9AG

Cynnwys

Pennod 1: Beth yw Comisiwn y Gyfraith?	4
Pennod 2: Pwy ydy pwy yng Nghomisiwn y Gyfraith?	5
Pennod 3: Beth yw camau prosiect?	6
Pennod 4: Rôl y Cynorthwydd Ymchwil	7
Pennod 5: O ble mae ein Cynorthwywyr Ymchwil yn dod a beth maen nhw'n mynd ymlaen i wneud yn y dyfodol?	9
Pennod 6: Allech chi fod yn un o'n Cynorthwywyr Ymchwil?	10
Pennod 7: Y Timau	12
Pennod 8: Y Tîm Cyfraith Masnach a'r Gyfraith Gyffredin	13
Pennod 9: Y Tîm Cyfraith Trosedd	15
Pennod 10: Y Tîm Cyfraith Eiddo, Teulu ac Ymddiriedolaeth	16
Pennod 11: Y Tîm Cyfraith Gyhoeddus a'r Gyfraith yng Nghymru	18

Pennod 1: Beth yw Comisiwn y Gyfraith?


Comisiwn y Gyfraith yw'r corff statudol a sefydlwyd dan Ddeddf Comisiynau'r Gyfraith 1965 i:

- gadw cyfraith Cymru a Lloegr o dan adolygiad, ac
- argymhell diwygio lle bo angen.

Gall argymhellion y Comisiwn ar gyfer diwygio'r gyfraith gael effaith ddofn ar fywydau dinasyddion: rydym yn ceisio symleiddio'r gyfraith a'i gwneud yn fwy hygyrch i bawb.

O ganlyniad i'n gwaith, mae rhannau helaeth o'r gyfraith wedi bod yn destun ymchwiliad a gwelliant systematig.

Mater i'r Llywodraeth a'r Senedd, yn hytrach na ni, yw'r penderfyniad i weithredu ein hargymhellion. Serch hynny, mae mwy na dwy ran o dair o'n hargymhellion wedi cael eu rhoi ar waith. Mae'r [tabl gweithredu ar ein gwefan](#) yn dangos pa brosiectau sydd wedi cael eu derbyn a pha rai sydd wedi cael eu rhoi ar waith.



Mae Comisiwn y Gyfraith yn sefydliad annibynnol bach sydd, serch hynny, yn chwarae rhan ganolog yn y Llywodraeth. Ar unrhyw un adeg, mae gennym oddeutu ugain o brosiectau diwygio'r gyfraith yn mynd rhagddynt sy'n ymdrin ag ystod enfawr o faterion cymhleth a phwysig. Mae gennym gyfradd weithredu uchel iawn sy'n golygu bod y Llywodraeth a'r Senedd yn gwerthfawrogi'r gwaith a wnawn.

Pennod 2: Pwy ydy pwy yng Nghomisiwn y Gyfraith?

Mae pum Comisiynydd llawn amser, pob un ohonynt yn cael eu penodi gan yr Arglwydd Ganghellor a'r Ysgrifennydd Gwladol dros Gyfiawnder. [Mae bywgraffiadau byr](#) ar gael ar ein gwefan.

Mae'r Cadeirydd yn farnwr Llys Apêl.



Syr Peter Fraser, Cadeirydd

Mae'r pedwar Comisiynydd arall yn farnwyr, bargyfreithwyr, cyfreithwyr neu'n athrawon cyfreithiol profiadol.

Cefnogir y Comisiynwyr gan y Prif Weithredwyr, Pennaeth Cyfreithiol, penaethiaid timau ac uwch gyfreithwyr, tua 20 cyfreithiwr tîm, dau Gwnsler Seneddol, tua 25 Cynorthwydd Ymchwil, Economegydd a Thîm Gwasanaethau Corfforaethol.

Daw'r penaethiaid timau a'r cyfreithwyr o amrywiaeth o gefndiroedd, gan gynnwys cyfreithwyr, bargyfreithwyr a darlithwyr cyfraith prifysgol. Mae cymysgedd o staff parhaol a staff cyfnod penodol, sydd hefyd yn aelodau o Broffesiwn Cyfreithiol y Llywodraeth. Fel arfer, penodir staff cyfnod penodol dros gyfnod y prosiect.

Ein Cwnsler Seneddol, sy'n paratoi'r Biliau drafft sy'n cyd-fynd â'n hadroddiadau, yw cyfreithwyr sydd ar secondiad o Swyddfa'r Cwnsleriaid Seneddol (OPC).

Pennod 3: Beth yw camau prosiect?

Ar ôl i ni gytuno i adolygu maes o'r gyfraith, byddwn yn penderfynu ar gylch gwaith y prosiect diwygio'r gyfraith ar y cyd â'r adran berthnasol yn y Llywodraeth. Bydd camau'r prosiect yn dibynnu ar y pwnc ac a fyddwn yn argymhell diwygio neu ddim ond yn nodi'r problemau a darparu opsiynau i'r Llywodraeth eu hystyried.

Fel arfer, byddwn yn:

- cynnal astudiaeth o faes y gyfraith a nodi meysydd a allai beri pryder, cyfleoedd i wella, gan edrych ar systemau cyfraith eraill i weld sut maent yn delio â phroblemau tebyg;
- cyhoeddi papur ymgynghori, sy'n nodi'n fanwl y gyfraith bresennol a'r cyfleoedd i wella, gan gyflwyno dadleuon o blaid ac yn erbyn atebion posibl, a gwahodd safbwyntiau ar ein cynigion dros dro ac effaith debygol y diwygiadau;
- cyflwyno adroddiad terfynol i'r adran berthnasol yn y Llywodraeth, gan nodi ein hargymhellion a'r rhesymau drostynt (a gefnogir gan ganlyniadau ein hymgyngoriad), gan ddarparu asesiad effaith o effeithiau ymarferol diwygio a, lle bo angen, gan gynnwys Bil drafft sy'n rhoi ein hargymhellion ar waith.

Pennod 4: Rôl y Cynorthwydd Ymchwil



Joanna Otterburn a Stephanie Hack (Jo a Steph), Prif Weithredwyr ar y Cyd

Pobl sydd wrth galon Comisiwn y Gyfraith, ac rydym yn awyddus i recriwtio Cynorthwywyr Ymchwil medrus iawn. Mae ein hadroddiadau o'r radd flaenaf, ac mae gan ein Cynorthwywyr Ymchwil feddwl chwifrydig a safonau trylwyr. Byddwch yn mwynhau mynd i'r afael â chwestiynau cyfreithiol anodd a datblygiadau polisi. Mae'r materion yn amrywio o gymhwyso deallusrwydd artiffisial mewn gwahanol gyd-destunau cyfreithiol i ystyried sut mae diweddarau'r gyfraith yng ngoleuni agweddau a blaenoriaethau cymdeithasol modern, er enghraifft dulliau angladdol newydd.

Yn anad dim, mae Comisiwn y Gyfraith yn gorff cyfeillgar a cholegol. Mae ein gwaith yn ysgogol ac mae premiwm uchel yn cael ei osod ar ansawdd ein hallbwn. Mae'r hyn a wnawn yn bwysig, ac rydym yn ymdrechu i'w wneud yn dda iawn. Ein Cynorthwywyr Ymchwil yw calon y sefydliad hwn ac, yn y rôl honno, byddai gennych gyfle go iawn i wneud gwahaniaeth.

Y rôl

Mae'r rôl cynorthwydd ymchwil yn cynnwys cymysgedd o ymchwil cyfreithiol, dadansoddi polisi a gwaith gweinyddol.

Cyn ymgynghoriad

Yng nghamau cynnar prosiect, gall cynorthwywyr ymchwil ddisgwyl edrych ar y gyfraith bresennol a chanfod sylwadau gan ymarferwyr ac academyddion ar y problemau sy'n gysylltiedig â hi ac opsiynau posibl ar gyfer diwygio. Efallai y gofynnir iddynt gynnal ymchwil gymharol, gan ystyried cyfraith gwlad ac awdurdodaethau cyfraith sifil. Efallai y gofynnir iddynt edrych ar arferion cyfredol y llysoedd neu ymchwil economaidd-gymdeithasol. Maent yn debygol o weithio gydag economegydd y Comisiwn i asesu effaith ymarferol y gyfraith bresennol ac opsiynau ar gyfer diwygio.

Ymgynghoriad

Mae Comisiwn y Gyfraith yn rhoi pwyslais mawr ar ymgynghori. Bydd Cynorthwyr Ymchwil yn ymwneud yn agos ag ymchwilio, drafftio a chyhoeddi'r papur ymgynghori ar gyfer eu prosiectau. Efallai y gofynnir iddynt helpu gyda gwaith yn y wasg neu waith cyfathrebu arall, a chyda digwyddiadau ymgynghori. Byddant fel arfer yn gweithio ar werthuso a dadansoddi'r ymatebion i'r ymgynghoriad.

Ar ôl ymgynghoriad

Ar ôl ymgynghori, mae'r tîm yn datblygu'r polisi terfynol ac yn paratoi papurau, gan geisio cymeradwyaeth gan Gomisiynwyr i'w hargymhellion terfynol arfaethedig. Bydd Cynorthwyr Ymchwil yn helpu i baratoi'r dogfennau angenrheidiol ac efallai y byddant yn rhan o'r broses o gyfarwyddo Cwnsleriaid Seneddol i ddrafftio Bil. Byddant yn chwarae rhan bwysig yn y gwaith o baratoi a chyhoeddi'r adroddiad terfynol. Os bydd y Llywodraeth yn derbyn ein hargymhellion, efallai y bydd cynorthwyr ymchwil yn ymwneud â chefnogi'r broses o gyflwyno deddfwriaeth i'r Senedd gan y Llywodraeth.

Bob amser

Mae'n ofynnol i Gynorthwyr Ymchwil yng Nghomisiwn y Gyfraith ymateb yn hyblyg i'r amrywiol ofynion y gellir eu gosod arnynt. Gallai hyn gynnwys gofyn i chi weithio ar wahanol brosiectau ar fyr rybudd, ymchwilio i brosiect newydd posibl neu ddelio ag ymholiad gan aelod o'r cyhoedd. Efallai y gofynnir i chi gyfrannu at waith ehangach y Comisiwn, er enghraifft drwy gynorthwyo gyda gweithgareddau corfforaethol. Mae'r rôl hefyd yn cynnwys gwaith gweinyddol arferol ond hanfodol fel cadw cofnodion, trefnu cyfarfodydd, prawf ddarllen dogfennau a threfnu bod copiâu caled o gyhoeddiadau Comisiwn y Gyfraith yn cael eu hargraffu a'u dosbarthu. Yn benodol, mae Cynorthwyr Ymchwil yn chwarae rhan flaenllaw yn y gwaith o baratoi dogfennau i'w cyhoeddi.

Mae Cynorthwyr Ymchwil wastad yn brysur a disgwylir iddynt weithio'n galed, ond mae'r awyrgylch yn y swyddfa cynllun agored yn gyfeillgar, gydag oriau gwaith call a hyblyg. Bydd staff newydd yn cael sesiwn gynefino lawn ar ôl cyrraedd.

Rhagor o wybodaeth am waith Cynorthwyr Ymchwil.

Pennod 5: O ble mae ein Cynorthwyywyr Ymchwil yn dod a beth maen nhw'n mynd ymlaen i wneud yn y dyfodol?

Mae ein Cynorthwyywyr Ymchwil yn ymuno â ni:

- yn syth ar ôl graddio;
- ar ôl cwblhau astudiaethau ôl-raddedig neu gymwysterau proffesiynol; neu
- maen nhw'n fargyfreithiwr neu'n gyfreithiwr cymwys.



Mae gweithio fel Cynorthwyydd Ymchwil yn rhoi cyfle i ddysgu'r hanfodion o ran llunio polisiau cyfreithiol a pharatoi deddfwriaethau.



Mae'r rôl yn galluogi unigolyn i gael cyfle unigryw i ddelio â'r materion hyn ac yn rhoi profiad rhagorol ar gyfer amrywiaeth o yrfaeodd yn y maes cyfreithiol. Mae tystiolaeth yn dangos bod siambrau, cwmnïau cyfreithwyr a phrifysgolion yn ystyried yr amser a dreulir yng Nghomisiwn y Gyfraith yn eithriadol o werthfawr.



Mae ein Cynorthwyywyr Ymchwil wedi mynd ymlaen i sicrhau gyrfaeodd llwyddiannus mewn amgylcheddau mor gystadleuol â'r Bar, cwmnïau cyfreithwyr blaenllaw mewn dinasoedd, Proffesiwn Cyfreithiol y Llywodraeth, y byd academiaidd, a chyhoeddi cyfreithiol.

Pennod 6: Allech chi fod yn un o'n Cynorthwyywyr Ymchwil?

Ethan George

Cynorthwyydd Ymchwil yn Nhîm Cyfraith Gyhoeddus a'r Gyfraith yng Nghymru

Sut beth yw gweithio i Gomisiwn y Gyfraith?

Mae hi wedi bod yn ffrainth gweithio yng Nghomisiwn y Gyfraith. Er bod sefydliadau eraill sy'n meddwl am ddiwygio'r gyfraith, mae perthynas y Comisiwn â'r Llywodraeth fel corff hyd braich yn golygu bod gan ein syniadau siawns gref unigryw o ddod yn gyfraith. Mae hyn yn golygu bod ein gwaith yn cael effaith go iawn ar gymdeithas drwyddi draw ac oherwydd hyn, mae pobl yn y Comisiwn yn teimlo'n angerddol iawn am yr hyn maen nhw'n ei wneud.

Yn ystod fy nwy flynedd yn y Comisiwn, rwyf wedi cael gweld ei fod yn amgylchedd cydweithredol a chyfeillgar. Mae pobl yn y Comisiwn bob amser yn fodlon helpu ei gilydd ac mae hyn yn wir ar draws bob tîm a phob lefel. Mae'r Comisiwn hefyd yn gymdeithasol iawn ac mae llawer o bethau i gymryd rhan ynddynt i ffwrdd o'ch desg, fel clwb llyfrau, clwb rhedeg, tripiâu bowlïo a llawer mwy.



Pam dod yn Gynorthwyydd Ymchwil?

Mae tri phrif reswm pam y byddwn yn argymhell bod yn gynorthwyydd ymchwil i unrhyw un sydd â diddordeb mewn diwygio'r gyfraith.

Yn gyntaf, mae bod yn gynorthwyydd ymchwil yn rhoi cyfle i ennill sgiliau newydd o bosibl, fel sut i ymgynghori'n effeithiol â rhanddeiliaid, gan wella eich galluedd fel ymchwilydd cyfreithiol ar yr un pryd. Pa yrfa bynnag yr ewch chi iddi nesaf, mae bod yn Gynorthwyydd Ymchwil yn brofiad dysgu gwerthfawr.

Yn ail, er mai dyma aelod ieuengaf y tîm, mae cyfraniad y cynorthwyyr ymchwil yn cael ei werthfawrogi'n fawr. Efallai'n wir mai eich syniad chi sy'n ymddangos mewn adroddiad Comisiwn y Gyfraith ac a allai ddod yn gyfraith.

Yn olaf, mae gweithio ar brosiect diwygio'r gyfraith yn rhoi cyfle i chi gael blas ar gynifer o brofiadau diddorol. Mae uchafbwyntiau fy nghyfnod yn gweithio ar brosiect a oedd yn edrych ar ddiwygio cyfraith hedfan wedi cynnwys mynd i Sioe Awyr Farnborough, cwrdd â thîm o NASA a oedd yn profi technoleg dronau, a rhoi sgwrs ym mhencadlys hanesyddol y Gymdeithas Awyrennol Frenhinol ym Mayfair.

Georgina Withers-Boalch

Cynorthwyydd Ymchwil yn Nhîm Cyfraith Gyhoeddus a'r Gyfraith yng Nghymru

Sut beth yw gweithio i Gomisiwn y Gyfraith?

Roedd ymuno â Chomisiwn y Gyfraith yn brofiad hynod groesawgar. Cefais fy synnu gan yr amgylchedd cefnogol, ar draws y Comisiwn ac o fewn fy nhîm. Roedd hyn yn gwneud y broses o drosglwyddo i'm swydd gyntaf yn llawer haws ei rheoli. Mae'r pwyslais yn y Comisiwn ar sicrhau cydbwysedd da rhwng bywyd a gwaith yn golygu bod llawer o gyfleoedd i gymdeithasu â chydweithwyr y tu allan i'r gwaith. Rydw i wedi dod i werthfawrogi clwb rhedeg Comisiwn y Gyfraith yn gyflym iawn – dan arweiniad y Cadeirydd, Syr Peter Fraser – sy'n gyfle i gymryd hoe fach o'r swyddfa ar ddydd Mawrth!

Pam dod yn Gynorthwyydd Ymchwil?

Cefais gyfleoedd a chyfrifoldebau na fyddwn wedi bod yn debygol o'u cael mewn mannau eraill. Y tu allan i waith prosiect, cefais y ffrind o gymryd rhan mewn trafodaethau am ddyfodol cyfraith Cymru a chyfrannu atynt. Roedd cael mynd i Gynhadledd Cymru'r Gyfraith yn gyfle gwych i mi gwrdd â llu o ymarferwyr, academyddion cyfreithiol ac ustusiaid y Goruchaf Lys. Fel Cynorthwyydd Ymchwil yng Nghymru, cefais gipolwg amhrisiadwy ar faterion cyfoes sy'n bwysig i mi, ac mae gweithio ochr yn ochr ag unigolion o'r un anian i ddatblygu'r uchelgeisiau hyn yn werth chweil.

Pennod 7: Y Timau

Mae Cynorthwyyr Ymchwil yn cael eu neilltuo i un o bedwar tîm:

- Cyfraith Fasnachol a Chyffredin
- Cyfraith Trosedd
- Cyfraith Eiddo, Teulu ac Ymddiriedolaeth
- Cyfraith Gyhoeddus a'r Gyfraith yng Nghymru

Bydd pob tîm yn gweithio ar sawl prosiect gwahanol ar unrhyw un adeg. Neilltuir un cyfreithiwr ac un Cynorthwyydd Ymchwil i rai prosiectau; mae gan eraill ddau gyfreithiwr a dau Gynorthwyydd Ymchwil. Bydd gan rai prosiectau Gynorthwyydd Cyfreithiol hefyd. Mae neilltuo staff i brosiectau yn dibynnu ar anghenion adnoddau pob prosiect unigol.

Bydd y broses o gael eich dewis ar gyfer cyfweliad yn cael ei chynnal ar sail tîm. Meddyliwch yn ofalus pa dîm yr hoffech weithio iddo a pha un sydd fwyaf tebygol, yn eich barn chi, o'ch dewis chi, o ystyried eich profiad a'ch cyflawniadau.

Sylwch na allwn warantu y bydd cyfleoedd i weithio ar brosiectau penodol. Gall prosiectau eraill godi, neu gallai blaenoriaethau ac amseriad prosiectau presennol newid, ac efallai y bydd rhai o'r Cynorthwyyr Ymchwil presennol yn cael eu cadw, sy'n golygu na fydd swydd wag i weithio ar brosiect penodol.

Pennod 8: Y Tîm Cyfraith Masnach a'r Gyfraith Gyffredin

Comisiynydd:

Yr Athro Solène Rowan

Pennaeth y tîm:

Laura Burgoyne

Uwch Gyfreithiwr:

Elizabeth Welch

Cyfreithwyr y tîm:

Elsabé van der Sijde

David Roberts

Yan Lai

Mae gwaith y tîm Cyfraith Masnach a Chyfraith Gyffredin yn cwmpasu ystod eang o bynciau gan gynnwys cyfraith fasnachol a chyfraith defnyddwyr a meysydd eraill cyfraith breifat. Roedd ein gwaith diweddar ar brosiectau sy'n ymwneud â thechnoleg wedi arwain at y Bil Eiddo (Asedau Digidol ac ati) a Deddf Dogfennau Masnach Electronig 2023, ac roedd ein hadolygiad o'r gyfraith gyflafareddu wedi arwain at Ddeddf Cyflafareddu 2025. Adeg ysgrifennu'r adroddiad hwn, rydym yn gweithio ar ddau brosiect sy'n ymwneud â chyfraith sefydliadau busnes: cymdeithasau cyfeillgar, a chymdeithasau cydweithredol a chymdeithasau budd cymunedol. Bydd y prosiectau isod yn parhau, neu'n rhai a ragwelir, ym mis Medi 2026. Rydym hefyd yn ystyried gwaith posibl arall gan gynnwys yng nghyd-destun hawliau defnyddwyr.

Er ei bod yn debygol y bydd pob Cynorthwydd Ymchwil yn cael ei neilltuo i un o brosiectau'r tîm, nid yw'n anghyffredin gofyn iddynt gyfrannu at brosiectau eraill, boed hynny fel trefniant tymor hwy neu ar gyfer tasgau mwy diffiniedig.

Asedau digidol: pa gyfraith, pa lys?

[Asedau digidol a dogfennau masnach electronig ym maes cyfraith ryngwladol breifat: pa gwr, pa gyfraith?](#)

Atebolrwydd am gynnyrch

[Atebolrwydd am gynnyrch](#)

Gweithredoedd

[Gweler tudalen](#)

Casgliadau amgueddfeydd

[Casgliadau amgueddfeydd](#)

Cyflafareddiad cyfraith ymddiriedolaeth

[Gweler tudalen 29 yn](#)

Moderneiddio cyfraith ymddiriedolaeth (prosiect posibl)

[Modernising trust law for a global Britain](#)

Pennod 9: Y Tîm Cyfraith Trosedd

Comisiynydd:

Yr Athro Penney Lewis

Pennaeth y tîm:

David Connolly

Uwch Gyfreithiwr:

Roseanna Peck

Cyfreithwyr y tîm:

Nicholas Hoggard

Robert Kaye

Lawrence McNamara

Jessica Skins

Andrea Preziosi

Mae'r Tîm Trosedd yn ymgymryd â phrosiectau sy'n amrywio o godeiddio ar raddfa fawr i adolygiadau byrrach o broblemau cyfreithiol pwysicach. Pan fydd Cynorthwyywyr Ymchwil newydd yn ymuno â'r Comisiwn yn 2025, byddwn yn parhau i weithio ar o leiaf dri phrosiect sydd eisoes ar y gweill.

Mae'r prosiectau isod yn rhai parhaus, neu'n rhai a ragwelir, adeg ysgrifennu'r adroddiad.

Rydych yn debygol o weithio'n bennaf ar un o brosiectau'r tîm. Fodd bynnag, mae'n eithaf cyffredin i chi gyfrannu at brosiectau eraill, boed hynny fel trefniant tymor hwy neu ar gyfer tasgau mwy diffiniedig.

Dirmyg Llys

[Dirmyg Llys](#)

Apeliadau Troseddol

[Apeliadau troseddol](#)

Lladdiad

[Cyfraith lladdiad](#)

Cydsyniad yn y gyfraith trosedd

[Cydsyniad yn y gyfraith trosedd](#)

Troseddau yn erbyn cyrff meirw

[Troseddau yn erbyn cyrff marw](#)

Amddiffyn gorffwylltra

[Amddiffyniad gorffwylltra](#)

Pennod 10: Y Tîm Cyfraith Eiddo, Teulu ac Ymddiriedolaeth

Comisiynydd:

Yr Athro Lisa Webley

Pennaeth y tîm:

Colin Oakley

Uwch Gyfreithiwr:

Spencer Clarke

Cyfreithwyr y tîm:

Andrew Bazeley

Charlotte Black

Thérèse Callus

Christine Gentry

Thomas Nicholls

Christopher Pulman

Daniel Robinson

Mae'r tîm Cyfraith Eiddo, Teulu ac Ymddiriedolaeth yn delio ag amrywiaeth o feysydd pwnc gwahanol. Mae Cynorthwyr Ymchwil yn y tîm fel arfer yn canolbwyntio ar un o brosiectau'r tîm, ond ar adegau efallai y bydd cyfle i gymryd rhan mewn meysydd eraill.

Nodyn pwysig i ymgeiswyr i'r tîm Cyfraith Eiddo, Teulu ac Ymddiriedolaeth

Mae'r tîm Cyfraith Eiddo, Teulu ac Ymddiriedolaeth yn delio ag ystod eang o gyfreithiau, ac rydym yn gwerthfawrogi mai dim ond mewn meysydd penodol y bydd gan rai ymgeiswyr ddiddordeb mewn gweithio. Er enghraifft, efallai na fydd gan ddarpar gyfreithwyr teulu ddiddordeb mewn cyfraith eiddo neu ymddiriedolaeth, ac i'r gwrthwyneb. Felly byddem yn ddolchgar pe gallai ymgeiswyr nodi'r canlynol yn yr adran 'Sgiliau Cyfreithiol' o'u cais:

- os oes ganddynt **ddiddordeb yn holl** feysydd gwaith y tîm; neu
- os oes ganddynt **fwy o ddiddordeb** mewn un neu fwy o feysydd gwaith penodol; neu
- os oes ganddynt **dim ond ddiddordeb** mewn un neu fwy maes gwaith.

Byddwn yn dewis ymgeiswyr ar gyfer cyfweiliad ar sail eu dewisiadau. Rydym yn argymhell eich bod yn cadw llygad ar y newyddion diweddaraf ar ein gwefan am gyhoeddiadau am yr hyn y mae'r tîm Cyfraith Eiddo, Teulu ac Ymddiriedolaeth yn ei wneud. Cofiwch, os ydych yn bwriadu nodi mai dim ond mewn ychydig o feysydd gwaith mae gennych ddiddordeb, y gallai hyn gyfyngu ar eich siawns o gael swydd.

Mae'r prosiectau isod yn rhai parhaus, neu'n rhai a ragwelir, adeg ysgrifennu'r adroddiad.

Claddu ac Amlosgi

[Claddu ac amlosgi](#)

Hawliau a Rhwymedigaethau sy'n Ymwneud â Dulliau Angladdol, Angladdau a Gweddillion

[Hawliau a rhwymedigaethau sy'n ymwneud â dulliau angladdol, angladdau a gweddillion](#)

Gofal gan Berthynas

[Gofal gan berthynas](#)

Tenantiaethau Busnes: yr hawl i adnewyddu

[Tenantiaethau Busnes: yr hawl i adnewyddu](#)

Prydles Fasnachol

[Prydles fasnachol](#)

Tir Heb Berchennog

[Tir heb berchennog](#)

Rheoli Ystadau Tai

[Rheoli ystadau tai](#)

Atebolrwydd Atgyweirio Canghellau a Chofrestru

[Atebolrwydd atgyweirio canghellau a chofrestru](#)

Pennod 11: Y Tîm Cyfraith Gyhoeddus a'r Gyfraith yng Nghymru

Comisiynydd:

Yr Athro Alison Young

Pennaeth y tîm:

Henni Ouahes

Uwch Gyfreithiwr:

Connor Johnston

Cyfreithwyr y tîm:

Connor Champ

Fiona Couzens

Ben Godfrey

Laura Jones

Rebecca Mandal

Mae gwaith y tîm Cyfraith Gyhoeddus a'r Gyfraith yng Nghymru yn ymestyn i gyfraith gyhoeddus a rheoleiddio yng Nghymru a Lloegr. Mae'r tîm hefyd wedi ymgymryd â nifer o brosiectau ar gyfer Llywodraeth Cymru ar faterion cyfraith ddatganoledig yng Nghymru.

Nodyn pwysig am gyfraith ddatganoledig Cymru a siaradwyr Cymraeg

Mae tîm Cyfraith Gyhoeddus a'r Gyfraith yng Nghymru yn ymgysylltu'n rheolaidd ac yn gweithio ar gyfraith ddatganoledig yng Nghymru, naill ai fel rhan o brosiect ar gyfer Llywodraeth Cymru, neu oherwydd bod un o'n prosiectau yng Nghymru a Lloegr yn cyffwrdd â materion sydd wedi'u datganoli i'r Senedd neu i Weinidogion Cymru.

Mae diddordeb yn y gyfraith datganoli ac unrhyw brofiad ohoni, yn enwedig y setliad datganoli yng Nghymru, yn ddymunol ac rydym yn annog ymgeiswyr i nodi eu diddordeb a'u profiad yn adran "Gwybodaeth Gyfreithiol Berthnasol" eu cais.

Yn yr un modd, rydym yn annog siaradwyr Cymraeg yn gryf i ddweud wrthym am eu gallu i ddefnyddio'r Gymraeg. Os oes gennych chi unrhyw sgiliau Cymraeg, nodwch nhw'n glir ar eich CV. Rydym yn disgrifio pwysigrwydd sgiliau Cymraeg yn y "Canllaw i Ymgeiswyr – Sut i Wneud Cais".

Cyfraith amaethyddol yng Nghymru

Cyfraith Amaethyddol yng Nghymru

Ymreolaeth ym maes Hedfan

Ymreolaeth ym maes hedfan

Prynu Gorfodol

[Prynu gorfodol](#)

Dulliau angladdol newydd

[Dulliau angladdol newydd](#)

Gwneud penderfyniadau awtomataidd yn y sector cyhoeddus

[Gweler tudalen 18 yn](#)

